

COVID-19-imut akiuussutissamik kapitinneq pillugu naartusunut milutsitsisunullu paasissutissiineq

Quppersagaaraq naartunermi milutsitsinermiluunniit kapitittussamut paasissutissanik imaqarpoq

NAARTUSUT AAMMA MILUTSIT-SISUT COVID-19-IMUT AKIUUSSUTISSAMIK KAPITINNISSAANNUT NEQEROORUT

AKIUUSSUTISSINNEQARNISSAMIK NEQEROORUT NAMMINEQ TOQQAGAAVOQ AKEQARNANILU

NAARTUSUNUT MILUTSITSISUNULLU AKIUUSSUTISSAMIK KAPITINNERMI INNERSUUSSUT

Naartunerp nalaani aamma milutsitsinermi COVID-19-imut akiuussutissamik kapitinneq isumannaatsuvoq pitsaasuullunilu. Kalaallit Nunaanni akiuussutissat atorpeqartut, naartusunut milutsitsisunullu akuerisaapput. Akuersissuteqarnerit ilisimatusarnikkut misissuinerit aamma sunniutaat kingunerluutaasinnaasullu pillugit paasissutissat tunngavigalugit pipput.

- Naartuguit innersuussutaavoq akiuussutissamik kapitinnissat aatsaat trimesterit aappaanni pingajuanniluunniit pinissaa, tassa imaappoq naartuninni qaammatit sisamassaanni. Mianersortumik tunngaveqarneq pissutigalugu trimesterit 1-iani, tassa naartuninni qaammatit siullit pingasut akiuussutissamik kapitinnissat innersuutigineqanngilaq.
- Milutsitsiguit akiuussuserneqarsinnaavutit, qanoq sivistigisumik milutsitsisimanerit imaluunniit qanga ernisimanerit apeqquaatinnagu.

COVID-19-IMUT AKIUUSSUTISSAT NAARTUSUNUT MILUTSITSISUNULLU ISUMANNAATSUUPPUT

Pfizer-BioNTech-imit aamma Moderna-mit akiuussutissat, Kalaallit Nunaanni atorpeqartut, naartusunut milutsitsisunullu akuerisaapput. Taakku naartusunut milutsitsisunullu illersuuteqarput inuit naartunngitsut milutsitsinngitsullu assigalugit sunniuteqartunik.

Naartusunut aamma milutsitsisunut akiuussutissat naartunut aamma meeqqanut pitsaasumik sunniuteqarput, anaanaasup akiuussutissai aak imaluunniit anaanaasup immua aqutigalugu meeqqamut ingerlasarmat. Pasinartoqanngilarli akiuussutissap naartumut erlaaq imaluunniit anaanaasup immua aqutigalugu ingerlateqqinneqartarnera.

Naartusut milutsitsisullu akiuussutissap kingunerluutigisinnaasaanik allat assigalugit malugisaqarsinnaapput. Tassa imaappoq, naartusut milutsitsisullu aamma sunniutinik annikinnerusumik malugisaqarsinnaapput, soorlu qasuneq, niaqorlunneq aamma kissarneqartutut misigineq, taakkua nalinginnaasumik ulluni marlussunni malunnartarput. Inuit allat naartunngitsut milutsitsinngitsullu assigalugit, qaqutigooortumik kingunerluutit ilungersunarnerusut naammattoorneqarsinnaapput sapigaqartutut qisuariaateqartoqarsinnaalluni.

COVID-19-imut akiuussuserneqartut naartuminnik katatsisoornissaannut, naartup ajoquteqarnissaanut imaluunniit inorluni inunngornissaanut aarlerinaateqarnera annertunerulerneq ajorpoq, soorlu aamma kingunerluutinut isumakuluuteqartoqanngitsooq.

Danmarkimi Europamilu nunani allani amerlanerni USA-milu akiuussutissaq naartusunut milutsitsisunullu neqeroortigineqarpoq.

Kalaallit Nunaanni peqqissutsimut oqartussaasut akiuussutissat pitsaassusianut isumannaatsuunerannullu paasisat nutaat malittariuarpaat, maannamullu pasinartoqanngilaq COVID-19-imut akiuussuserneqarsimaneq anaanaasumut meeqqamullu annermik aarlerinaatinik nassataqarsinnaanera.



NAARTUSUT MILUTSITSISULLU COVID-19-IMIK NAPPARSIMANERAT

Akiuussutiniq kapitissimaneq coronap virusianut illersuutaavoq, naak virusi allanngoriartorluni nutaanngortarualuortoq. Akiuussutissaniq kapitissimaneq inunnut ilungersunartumik napparsimalersinnaasunut neqeroorutaavoq immikkut pingaaruteqartoq.

Naartusut milutsitsisullu amerlanerit sakkukitsumik napparsimasarput coronavirusimik tunillanneqarsimagunik, naartusulli ikittut ilungersunar-nerusumik napparsimasinnaapput.

Nunani allani misissuinerit takutippaat naartusut COVID-19-imik napparsimasut peruluttut uninngaviannut unitsitaasinnaaneranunt aarlerinaat allanit marloriaammik qaffasinnerusoq. Misissuinerit aamma ersersippaat arnap naartusup COVID-19-imik napparsimatillugu siusippallaamik ernisissaanut imaluunniit tassanngaannartumik pilatsilluni ernisitaanissaanut aarlerinaat 2-3-iaammik qaffasinnerusoq. COVID-19-imik perululluni napparsimaner-mut aarlerinaat qaffasinnerpaavoq sukkortuugaanni, asmaqaraanni, uum-mallukkaanni/taqarsuartigut nappaateqaraanni, pualavallaarujussuaraanni imaluunniit 35-t sinnerlugit ukioqaraanni.

Milutsitsisut COVID-19-imik peruluuteqarsinnaanerannut aarlerinassusaa annertunerunngilaq, innuttaasut allatuulli inissisimapput.

IMATUT KAPITISSINNAAVUTIT

Akiuussutissat Kalaallit Nunaanni atorneqartut pitsaanerpaamik akiuutissappata marloriarlutit kapitissimasariaqarputit. Ullut akiuussutissamik kapuuiffissat uani nalunaarsorsimapput: www.corona.gl

PAASISSUTISSAT SIUNNERSUUTILLU AMERLANERUSUT

COVID-19-imut akiuussutissaq pillugu paasisaqarnerorusukkuit www.corona.gl -imut imaluunniit Coronahotlinemut oqarasuaatikkut 80 11 00 -mut sianerlutit paasiniaanissat kaammattuutigineqarpoq.

AKIUUSSUTISSAMUT KAPITISSINNAANERMUT NAAGGAARUIT

COVID-19-imut akiuussutissamik kapitinnissaq neqeroorutaavoq nammineq aalajangiiffigisassaq. Illit nunaqarfinnut illoqarfinnulluunniit akiuussuser-suisussat tikippata neqeroorummut naaggaarsinnaavutit, kisianni akiuussutissat qaqugu illit najukkannut tikeqqillutik neqeroorutaqqissinnaanersut ilisimaneqanngilaq. Kingusinnerusukkut illit akiuussutissamik neqeroorfigineqarsinnaanerit qulakkeerneqarsinnaanngilaq, akiuussutissat najukat il-aanni uninngasuutigineqarsinnaanngimmata.

Akiuussutissamik kapineqarnissat kissaatiginngikkukku pingaaruteqarpoq Peqqissutsimut Oqartussaasut tunillaassuisoqarsinnaaneranut innersuus-sutaannik malittarinninnissat, taamaaliorlutit illit nammineq meerassat meeqqalluunniit tunillatsissinnaanermut illersoqqullusi.



TUNILLATSINN- GINNISSAMUT SIUNNERSUUTIT ARFINILLIT

- Angerlarsimaannarit aamma nappaammut ersiuteqaruit misissortigit
- Assatit asakulakkit imaluunniit assannut bakteriaajaat (håndsprit) atortaruk
- Iksinnut quersortarit tangajortarlutillu
- Allat timaannik attugaqarneq killeqartiguk - assammiinak, ersakkut aparsinak, eqitaarinak il. il.
- Eqqiluisaarneq silaannarissartarnerlu eqqumaffigikkut - angerlarsima-ffimmi aammalu suliffimmi
- Qanillnaveersarit allallu taamatut ilioqqullugit.

